

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine F BiH", broj 12/03, 34/03 i 65/13), a u vezi sa Odlukom o poništavanju Javnog konkursa/natječaja za izbor i imenovanje kandidata za članove Uprave JP Autoceste FBiH d.o.o. Mostar, broj NO 1.01-308-1/22 od 17.01.2022. godine, Nadzorni odbor JP Autoceste FBiH d.o.o. Mostar, objavljuje:

**PONIŠTENJE JAVNOG KONKURSA/NATJEČAJA
za izbor i imenovanje
kandidata za članove Uprave JP Autoceste FBiH d.o.o. Mostar**

Poništava se Javni konkurs za izbor i imenovanje kandidata za članove Uprave JP Autoceste FBiH d.o.o. Mostar objavljen u dnevnim novinama „Dnevni avaz“ i „Večernji list“ dana 13.12.2021. godine te „Službenim novinama Federacije BiH“ broj 102 dana 17.12.2021. godine.

Na osnovu Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 1 12/03, 34/03 i 65/13), člana 15. Zakona o cestama Federacije Bosne i Hercegovine („Službene novine Federacije BiH“, broj 12/10, 16/10 i 66/13), člana 257. Zakona o privrednim društvima FBiH („Službene novine Federacije BiH“, broj 81/15) i člana 28. Statuta JP Autoceste FBiH d.o.o. Mostar, broj 1.1-3923-4/16 od 30.11.2016. godine, Odluke o izmjeni Statuta JP Autoceste FBiH d.o.o. Mostar, broj: 1.1-350-1/17 od 30.01.2017. godine, Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine FBiH“ , broj 20/16) a u vezi sa Odlukom o ponovnom raspisivanju Javnog konkursa/natječaja za izbor i imenovanje izvršnog direktora za ekonomsko – finansijske poslove JP Autoceste FBiH d.o.o. Mostar, broj NO 1.01-308-4/22 od 17.01.2022. godine, Nadzorni odbor JP Autoceste FBiH d.o.o. Mostar, objavljuje:

**PONOVI JAVNI KONKURS/NATJEČAJ
ZA IZBOR I IMENOVANJE IZVRŠNOG DIREKTORA ZA EKONOMSKO – FINANSIJSKE
POSLOVE JP AUTOCESTE FBiH D.O.O. MOSTAR**

I

Raspisuje se javni konkurs/natječaj za izbor i imenovanje izvršnog direktora za ekonomsko - finansijske poslove **Javnog preduzeća Autoceste Federacije Bosne i Hercegovine društvo sa ograničenom odgovornošću Mostar** (u daljem tekstu: JP Autoceste FBiH d.o.o. Mostar).

Opis pozicije izvršnog direktora za ekonomsko – finansijske poslove JP Autoceste FBiH d.o.o. Mostar:

- organizuje i koordinira ekonomske poslove JP Autoceste FBiH, odnosno iz djelokruga aktivnosti ekonomsko-financijskih poslova, marketinga, plana i analize i međunarodnih investicija,

- saraduje sa drugim izvršnim direktorima i rukovodiocima sektora,
- učestvuje u izradi srednjoročnih i godišnjih planova i programa JP Autoceste FBiH, prati i kontroliše realizaciju poslova i zadataka iz plana i programa JP Autoceste FBiH za tekuću godinu, predlaže i preduzima mjere u cilju uspješne realizacije istih,
- učestvuje u pripremi projekata i programa JP Autoceste FBiH,
- obavlja kontrolu ažurnosti i ispravnosti dokumentacije koju je prethodno likvidirao odgovorni izvršilac,
- analizira realizaciju plana i programa JP Autoceste FBiH za tekuću godinu sa ekonomsko-financijskog i marketinga, plana i analize i međunarodnih investicija i izvještava,
- preduzima i predlaže mjere u cilju uspješne realizacije planiranih sredstava,
- predlaže mjere za poboljšanje efikasnosti i ekonomičnosti poslovanja JP Autoceste FBiH,
- obavlja i druge poslove u skladu sa važećim zakonima i Statutom i nalogom direktora javnog preduzeća.

Mandat imenovanja izvršnog direktora za ekonomsko – finansijske poslove JP Autoceste FBiH d.o.o. Mostar je četiri (4) godine sa mogućnošću ponovnog imenovanja u skladu sa Zakonom.

II

Kandidat je dužan ispunjavati sljedeće uslove:

A. Opći uslovi

- da je državljanin Bosne i Hercegovine
- da se na njega ne odnosi član IX.I Ustava Bosne i Hercegovine
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine i člana 12. Zakona o javnim preduzećima
- da nema privatni finansijski interes u preduzeću u kojem se kandiduju za izvršnog direktora
- da nije osuđivan za krivično djelo i privredni prestup nespojivo sa dužnosti u Upravi društva pet godina od dana pravomoćnosti presude, isključujući vrijeme zatvorske kazne, te da im presudom suda nije zabranjeno obavljanje aktivnosti u Upravi društva
- da nije u sukobu interesa prema Zakonu o sukobu interesa u institucijama vlasti Bosne i Hercegovine („Službeni glasnik BiH“ broj 13/012, 16/02, 14/03,12/04, 63/08, 18/12, 87/13 i 41/16) i Zakonu o sukobu interesa u organima Federacije BiH („Službene novine FBiH“ broj 70/08)
- Da ne podliježe ograničenjima utvrđenim odredbama člana 252. stav 1. i 2. Zakona o privrednim društvima („Službene novine Federacije BiH“, broj 81/15).

B. Posebni uslovi:

1. Visoka stručna sprema – VII stepen;
2. da ima najmanje pet godina radnog iskustva od dana sticanja visoke stručne spreme.

III

Prijave kandidata trebaju da sadrže:

- kraću biografiju;
- adresu;
- kontakt telefon.

Uz prijavu treba dostaviti orginale ili ovjerene fotokopije dokumenata kojima se dokazuje ispunjavanje traženih općih uslova i to:

- Izvod iz matične knjige rođenih
- Uvjerenje o državljanstvu
- Dokaz o stečenoj stručnoj spremi
- Potvrdu ili uvjerenje o potrebnom radnom iskustvu nakon sticanja visoke stručne spreme
- Ovjerena izjava kandidata da se na njega ne odnosi član IX.I Ustava Bosne i Hercegovine
- Ovjerena izjava kandidata da ne vrši funkciju u političkoj stranci
- Ovjerena izjava kandidata da nema privatni finansijski interes u preduzeću u kojem se kandiduju za izvršnog direktora
- Ovjerena izjava kandidata da nije u sukobu interesa prema odredbama Zakona o sukobu interesa u institucijama vlasti Bosne i Hercegovine („Službeni glasnik BiH“ broj 13/012, 16/02, 14/03, 12/04, 63/08, 18/12, 87/13 i 41/16) i Zakona o sukobu interesa u organima Federacije BiH („Službene novine FBiH“ broj 70/08)
- Ovjerena izjava kandidata da ne podliježe ograničenjima utvrđenim odredbama člana 252. stav 1. i 2. Zakona o privrednim društvima („Službene novine Federacije BiH“, broj 81/15).
- Ovjerena izjava kandidata da nije otpušten iz privrednog subjekta na osnovu povrede obaveza iz radnog odnosa u periodu od tri godine prije dana objavljivanja javnog konkursa/natječaja.

Dokaz da kandidati nisu osuđivani za krivično djelo i privredni prestup nespojivo sa dužnosti u Upravi društva pet godina od dana pravomoćnosti presude, isključujući vrijeme zatvorske kazne, te da im presudom suda nije zabranjeno obavljanje aktivnosti u upravi društva (JP Autoceste FBiH d.o.o. Mostar će za izabrane kandidate po službenoj dužnosti od nadležnih organa – suda i MUP-a zatražiti izdavanje potrebnih uvjerenja kao dokaz ovog uslova).

IV

Konkurs za podnošenje prijava ostaje otvoren četrnaest (14) dana od dana posljednjeg objavljivanja u dnevnim novinama „Dnevni avaz“ i „Večernji list“ te „Službenim novinama Federacije BiH“.

V

Neblagovremene i nepotpune prijave neće biti uzete u razmatranje.

VI

Prijave sa svim traženim dokumentima treba dostaviti lično ili poštom preporučeno sa naznakom „Prijava na javni konkurs/natječaj za izbor i imenovanje izvršnog direktora za ekonomsko – finansijske poslove JP Autoceste FBiH d.o.o. Mostar – ne otvarati“, na sljedeću adresu:

JP Autoceste FBiH d.o.o. Mostar
Adema Buća 20
88000 Mostar

Kontakt telefon: 033/277-938.

VII

Kandidati koji dostave svoje prijave će biti pismeno obavješteni o ishodu konkursa, a priložena dokumentacija se neće vraćati.